

秋澗先生大全文集

八



秋澗先生大全文集卷第二十七

七言絕句

過文貞宋公墓

廣州去闕幾千里中使嚙恩信貴僚莫訝簡驪無一語太平勲業見風標

沙丘宮

齊梁霸趙何雄壯探轂回鋒遽懦庸千古興亡酷相似武靈而後有莊宗

栢鄉道中

聯鑣時喜笑談開不覺淒風漲面埃曉日迫亭橋畔路青山一道柳邊來

大都小雪時聞兩廣捷至

雪翻廣栢飄梅粉雲覆宮牆抹竹煙預爲新年傳喜
夜到甘泉

宮杖亡宋物也左丞姚公以

上所賜出示坐客故有此作效王建體

六宮催上木蘭舟百色輸來不敢留親見紫宸新製
杖金盤龍地玉虬頭

過中山府

紅旗鐵馬響春冰儒將清邊世莫驚遼吏不知唐泊
險使來先問二蘇名

過梁門

漠漠蒼溟海氣霾銅梁北照遂城開不知陂漲能遶
甚萬騎瀟索戰來

毳幕卓歇圖

牙旗風軟馬蕭蕭
渭水歸來氣更豪
想得龍沙西北
道際天秋草黑
山高

題花光墨梅二絕

蜀僧超然字仲仁
居衡陽花光山
避靖康亂徙江南之柯山
與叅政陳簡齋並舍而居
山谷所爲研墨作梅
超凡入聖法當冠四海而
名後世嘗有移船來近花
光住寫盡南枝與北枝之句
其丰度可想見矣
趙雲夢題云如王謝子弟
倒冠落佩舉止敬傾自有一種風味
蓋前朝高丞相家物
暗香疎影溪雪春風四圖
今失其溪雪見爲宋漢臣所收
僧號花

光道人東坡山谷少游皆有贈詩

滿溪明月影扶疎，只在縑塵點雪膚。
展放畫圖還記得，孤山離落漲西湖。

破墨能開雪裏芳，道人花供老猶香。
移船要近花光住，笑教涪公有底忙。

裕卿李兄來別復效樂天體以贈

晤語從游喜任真，王堂僧舍幾相親。
河梁莫厭重携手，明日共爲千里人。

題朱彥暉三陪手卷

謂木庵陪飯實溪卿陪針陳學士陪口也陳時可字秀玉

余年五十覺籠東左臂偏枯，右耳聾。
說道燕城陪手客，此針傳授到朱公。

江村訪友圖

江東宰相說風流
賈嗣吳潛果孰優
今日國亡出時須來訂晉陽秋

廉公作牧古無雙
聞道旌招別楚邦
何計挽留我似來謀及鹿門龐

兩掾茆屋枕江濱
杖屨來敲月下門
不是愛梅多看竹
冷香踈影坐黃昏

韓幹畫照夜白圖

開元天子燕遊多
一骨承恩玉色瑳
所養自來非所用
雨中蜀棧要青驪

纓紱騮衣一色紅
玉華光照苑門空
昭陵六駿秋風裏
辛苦文皇百戰功

沉香亭下牡丹芳
宮漏穿花夜宴央
輦路傳呼停鳳

燭內家歸詫玉麟光

松憲雜錄云開元中明皇嘗乘照夜白與太真妃賞牡丹於沉香亭

政捐金鑑九齡歸聲色糊塗醉不知天意種深天寶
禍故生尤物配妖姬

題何侍御所藏雪霽江行圖

雪霽澄江照眼開常年十月蔽兵埃而今風物真堪
畫滾滾行商兩浙來

栢臺霜信肅江楓寒入黃茅瘴已空一線暮江春雪
外枉將新意詫清雄
炎瘴消殘一雪餘勾吳無地不亨衢江山正要燕公
筆却點騾綱入畫圖

滕王蝶蟻圖

劉侍御家藏

兩翅輕翻暈粉金內人無計撲羅襟南昌閣底花如

霧迷救春香一寸心

槐壤紛紛事暫歡枕中栩栩伴周閑丹青欲識滕王
意須着人間比夢間

粉香金翠夢能甜細寫春牋入筆尖却恐尋香飛便
去六宮爭下水晶簾

王建宮
蝶詞有傳得
勝王蛺蝶圖之句

夏日玉堂即事

悠悠時事百年心歲月徒成昨與今萬一寸長能及
物不愁華髮已盈簪

失時已抱周人恨濟物長深求叔懷鈴索不鳴朝日
靜坐看簾影轉苔階

世願登瀛不作卿玉堂更比憲臺清只緣白獸樽中
醴當日元王爲穆生

陰陰槐幄幕開庭靜侶藍田縣事廳細草近綠春雨
過暎塔侵戶一時青

日長上直玉堂廬思入閑雲待卷舒重爲盛時難再
遇等閑羞老蠹書魚

故開府儀同三司中書左丞相贈太尉謚忠
武史公挽詞有序

維大元國至元十二年歲乙亥二月七日

中書左丞相忠武史公以疾薨于位計聞天
下痛悼嘆哲人之云亡哀斯民之無祿在某
又有感焉而不能已者初壬子歲公受封於
衛其年秋來視師某以諸生啓事上謁特矐
焉錄用實資藉之俾進其所未至以需

逮中統建號之明歲公入當鈞軸時某掌記
中堂館門下者半歲首奏擢除翰林修撰兼
內省都司既而以事註得公辨明免歸至元
改元總尹都督移鎮東魯辟某克幕官遵公
命也公之意蓋欲革舊事行新用也九年壬
申錄御史得調平陽謁公授喉去曰若綿歷
頗久同列貴和餘復何云年明朝議經制南

伐詔公開府襄州節制諸軍又將以僚屬召
尋輿疾北還事雖不果於菲薄寔加重嗚呼
昔韓愈從事汴州於隴西公有倦倦不忘者
在裴中令爲可知不肖某何敢望昌黎之清
光而忠武勲德爲世宗臣遠邁中令而某也

始終沐公裁成如翼使聲光燭耀於時其感
戴當何如哉一旦遡大樹之悲風痛吾儕之
安仰此李平廖立淚下而霑襟者也爰賡薤
露之歌用表素旂之末前十章頌公德業之
萬一後五章攄平昔願遇厚知之厚傳武侯
於近代敢躡蹤張拭之文贊克國於麟臺庶
張本揚雄之作尚冀

神靈鑒茲誠悃其詞曰

補衮功深作帝箴片言能霑萬方霖白頭無地酬知
已重爲蒼生淚滿襟

寇鄧高勲上將材丹青圖畫冠雲臺舉頭納納乾坤
大辛苦中原百戰來

南臨江漢北無垠英衛軍機祐預仁百代盛從青史
見漢家群后有元臣

遺表陳情不及私南征無嗜殺爲嬉身雖不覩吳平
後羊祜恩威有素規

元勳高在麒麟上曠度初無智勇名欲見令公陰德
厚一門八子總公卿

幾年黃閣見調元福浸蒼生奠枕眠兩號改元幾二
紀不交波及海南天

閫節堂堂五路尊繼承諸姪動天閭推恩不爲夷齊
讓要慰先臣地下冤

身後論功誓不磨德韃高塚鬱我差千年零落丘山
底忍聽唐鏡作露歌

上計歸來愈謹忠又從潛邸識

真龍十年浴鳳池邊夢不到歌鐘甲第雄

逆齋節制竊桓丈鱣鬣翻波海氣昏堂上有兵能制

勝一言料死並中豚

時子都司中堂公聞逆璫突入濟南有
綸入圍無能爲之句至成擒竟如所料

先皇登極公封衛賞識初緣啓事陳二十年間門下

客愧無椽筆贊經綸

昂藏綠野堂前鶴飲啄當年在鳳池一諾見推連省

署九泉埋骨荷深知

中統二年余在上都
公館焉日陪侍左右

幕圍火烈燕巢傾北際誰能託死生一語保全微命

去聖安方丈記辭行

拂衣歸去老田園木屑筠頭苦見憐尺一起爲蓮幕

客東平門下又三年

征南開府控襄州舒也何爲預唱籌報德愧無千字
誅峴山南望淚空流

萬壽節同宋太常弘道出左掖門口號

禁漏穿花夜已央宮槐籠曉色蒼蒼
日先到紅鸞扇影光

隔夜端門分板位平明簪笏列鵷行
紫雲低覆千官拜潤入金爐百和香

羯鼓聲高吹管清九天合作鳳鸞鳴
侍儀贊喝三成後磬折齊呼萬壽聲

花映崑廊近紫宸宮官行酒過三巡
共携滿袖香煙出散作都城十日春

對品班分玉筍行一時望拜殿西廂
百官燕出宮闈

靜疎雨濛濛濕建章

過王太師廟

在壽張縣西三十里

老雨莓苔滿露臺
野棠花映廟門開
地中鐵戟消沉盡
時有陰風樹杪來

題開州驛亭壁

并序

昔有宋之三葉也
遼人大舉入寇
南抵瀘州
有併吞席卷之勢
堯叟以蜀產主議
西巡欽
若以吳人請狩
建業社稷安危
在此一舉
萊公審勢力
明料敵果挺不拔之忠
任投瓊之責
奮不顧身
竟夷國難
當特遼舉國之兵
膽已
隋公北狩
一言奚待斃延壽一矢之力也
庚申秋予應辟東魯
道出是邦
按轡周覽
想河

流之奔洶仰壁壘之雄峻斯亦宋之金湯也
遂盤礴回鑿碑下慨然有懷古人臨大節更
大難胷中素有所定不然淮陰以漢中累對
烏得還定三秦武侯以南陽一論遽能西取
劉璋東向以爭天下者哉

幸蜀巡吳避銳鋒竟從孤注就天功千年草木餘威
在野老猶能說寇公

顯宗畫三教晤言圖

兩晉玄風倡永嘉晤言新意出承華後人莫作無同
論剖破藩籬即大家

微言初不出吾書正恐雄誇涉誕虛坐上若拈花葉
問發端當自仲尼居

承華宸翰日重光大定聲明有父皇若以撫軍監國
論長沙書疏未容忘

緇衣蔽路樂清修羽客談玄日自由眼孔侶伶吾輩
小終年平地看錢流

爲儒戶印造寶鈔

鬢絲禪榻喜相依休問珠英果是非已著孔林殘照
重裏青衫漸染變緇衣

徽宗臨張萱宮騎圖

缺胯頰衫玉帶圍駿華翻影下瑤池老徽筆底無留
思貌盡春風出閣儀

碧暈紅細思有餘較來經國太工夫大風歌裏雲飛
遠不畏高皇笑殺渠

戊寅歲燕都元夕